



**KENYATAAN MEDIA
MENTERI PEMBANGUNAN WANITA, KELUARGA DAN MASYARAKAT**

**TALIAN KASIH 15999 DAN TALIAN WHATSAPP 019 26 15999 MASIH
BEROPERASI SEPERTI BIASA**

Kerajaan telah memutuskan supaya satu talian khusus ditetapkan untuk sebarang pertanyaan dan aduan berhubung sebarang isu berbangkit berkaitan Perintah Kawalan Pergerakan lanjutan daripada penularan wabak COVID-19. Talian yang diselaraskan oleh Majlis Keselamatan Negara ini adalah 03-88882010.

Pada masa yang sama, mengambil kira keperluan bagi golongan wanita, kanak-kanak, OKU serta warga emas, Kerajaan telah bersetuju supaya Talian Kasih yang sedia ada diselaraskan oleh Kementerian Pembangunan Wanita, Keluarga dan Masyarakat (KPWKM) adalah dibuka seperti biasa. Talian Kasih akan diteruskan dengan tujuan sedia ada untuk menerima aduan isu-isu wanita, keluarga dan masyarakat, khususnya menangani kejadian kecemasan berkaitan kebajikan dan kemasyarakatan. Talian Kasih bernombor 15999 dan Talian Whatsapp 019 26 15999 akan terus beroperasi 24 jam sehari, tujuh hari seminggu.

DATUK SERI RINA MOHD HARUN

Menteri

Kementerian Pembangunan Wanita, Keluarga dan Masyarakat

18 MAC 2020